



~ 16  
2364  
2



2364  
3-2



石洲集卷之四



七言律詩

登摩尼山天壇用叔隱韻

捫蘿直上海山頭坐送江南萬里舟  
牧老舊題餘板在壇君陳迹古壇留  
分明日月臨玄圃浩蕩風烟沒白鷗  
天地有窮人易老此生能得幾回遊

沔陽示李子敏

雪深虛館不勝寒慚愧情人數往還  
末路困窮唯我獨少壯軒輕似君難  
孤燈說舊夢中夢落

日望鄉山上山聞道驛梅春欲動可能交轡向  
長安

別子敏用前韻

病卧殊方歲已闌可堪今夕送君還人生到此  
分離苦塵世從前會合難日下故園千里夢天  
涯歸路萬重山秦中舊侶如相問終作遼東管  
幼安

附次韻

惜別燈前語夜漏故都千里一身還同憂已  
是無衰疾相响誰能放急難交道唯吾淡若

水人情乃爾險於山何當共作潯陽隱容膝  
蝸廬占易安

古林風叫夕陽寒烟外雙雙宿鳥還 聖世  
只今戎馬亂故人於此別離難孤舟泛泛天  
連海匹馬遲遲雪滿山惆悵水雲相望處定  
應無使報平安

再用前韻

窮陰漠漠朔風寒詞客南征且未還萬事糾紛  
容鬢換一身迢遞路歧難耳聞湖外年年鴈足  
繭天涯處處山欲就新詩轉愁絕撚髭終日費

吟安

江上孤村水色寒平林落照見鴉還身仍病後  
開門少詩欲成時下字難千里旅遊生白髮二  
年鄉國隔青山只今民社堪垂淚何日朝廷起  
謝安

讀周子通書邵子觀物篇感而有作

禮門仁宅久榛蕪千載歸來得大儒霽月光風  
周茂叔天心水面邵堯夫當時獨解先天學後  
世空傳太極圖小子祗今迷所向茫茫歧路位  
揚朱

次韻舍弟韜見寄

節序看看二月闌東風無力野梅殘江臨黑石  
春波濶山對青溪暮色寒病後尚吟青玉案老  
來空負紫金丹明年定入桃源去莫道人間行  
路難

海村雜興

秋墟寥落動寒砧遠岸蕭蕭楓樹林小邑依山  
雨偏足孤村近海天常陰野童獨鱉溪潭冷江  
容射鳧蒲葦深落日翩翩雙白鶴背人飛去故  
哀吟

海州神光寺酬蘇公善克見寄韻

浮世功名已謬悠  
林泉聊可慰窮愁  
秋風赤葉寒溪水  
落月疎鐘古寺樓  
達士以閑為好事  
殘年唯懶是良籌  
何當共結香山社  
斗酒詩篇爛熯遊

夢行松京有作

繁華無跡有山河  
觸目其如感慨何  
太液枯荷秋色老  
禁林寒葉雨聲多  
宮烏愛啄金盤露  
野鳥能吟玉樹歌  
瘦馬獨來還獨去  
不堪斜日照銅駝

途中書懷

客中贏得鬢星星  
愁似醇醪醉未醒  
落日危橋深淺水  
寒天落葉短長亭  
青黃不到溝中斷  
枯槁誰憐澤畔形  
舊喜讀書今不讀  
夢魂長繞海山青

早渡碧瀾

江上嗚嗚聞角聲  
斗柄插江江水明  
早潮侵岸鴨鵝亂  
遙舍點燈砧杵鳴  
客子出門月初落  
舟人掛席風欲生  
西州千里自此去  
長路險難何日平

延城客舍寄人

兵塵何地可安栖已渡西江更向西兩地別愁  
容鬢換七年歸夢道途迷空城盡日無人到舊  
國殘春有鳥啼風雨一番寒食過不堪回首草  
萋萋

呈湖西李兵馬使

將軍勇銳冠三韓曾次堂堂萬甲蟠落日建牙  
烽檜密曉天吹角成樓寒功登竹簡威聲赫戰  
苦沙場血色丹自笑謾懷投筆志十年憔悴戴  
儒冠

贈湖南親友

兵火倉黃記去年中間消息兩茫然一身竄伏  
曾無地萬死歸來却有天亂後郊原惟古木客  
邊時序又寒蟬相逢更起存亡恨莫怪臨觴淚  
迸泉

題林子中陣中

畫角吹開萬竈烟陣橫雲鳥壓山川赤光在地  
戈麾日白氣漫空劔倚天未著祖鞭吾老矣欲  
投班筆意茫然可憐玉帳秋宵夢還繞西江舊  
釣船

寄車五山  
陸沉霜髮意如何長夜空吟白石歌西海窮途  
悲淨泗七年浮世厭干戈後凋子已依松栢初  
服吾將製芟荷莫遣音書長寂寞江湖秋鴈近  
來多

述懷示五山三首

異鄉寥落寡朋儔客夢遙尋漢北州萬事只知  
歸去好七年空賦伴牢愁地連故國山圍野門  
對寒江浪沒洲林壑未成長往計幾回怱悵挂  
花秋

十月孤村已滌場時危人事自栖遑三更催稅  
此州吏萬里負戈何郡即戰檄交馳塵漠漠哭  
聲直上天蒼蒼寡妻群盜正如此悵望南雲摧  
肺腸

客居無奈寂寥何日夕唯聞樵牧歌場圃歲登  
鷄啄黍陂塘水落蟬橫戈紛紛世事霜凋葉忽  
忽年光露瀉荷曳杖出郊時極目不堪歸路晚  
山多

江都別柳善甫兼簡鳳山太守

八年離索鬢俱蒼賦罷停雲幾斷腸忽漫萍逢

還此別可憐蓬累更何鄉  
雪消南浦春初動  
天接西關路正長  
與報鳳州張太守  
幾時書札及滄浪

送別林子慎赴庭試之舉

知君此去氣無前  
直向蓬萊拜列仙  
已道龍泉初出地  
更聞鵬翼欲垂天  
上林樹色和春雪  
長樂鐘聲拂曉烟  
雲路若逢相識問  
濁醪鹿飯送殘年

再到鎮江題村舍

憶曾流落此江頭  
客裡還成爛熯遊  
詩罷野亭

花繞帝酒醒山寺月  
臨樓七年聚散身  
如夢萬事浮沉髮欲秋  
騎馬獨來尋舊迹  
碧雲芳草思悠悠

賀林子慎登第

聞君自致青雲上一日  
聲華動四方人誦佳篇  
喧洛邑詔隨飛蓋出  
明光春深禁掖鶯花鬧  
酒送仙盃雨露香  
白首久無軒冕意  
彈冠今却為王陽

寄李子敏先達

時擢乙科第一名庭試

君隨織女渡天河  
咫尺星辰手自摩  
丹桂壓頭



香襲帽青雲擁路色侵靴日斜清禁傳金榜花  
滿春城響玉珂何似孤舟釣魚處碧波無限白  
鷗多

雨行

不堪歸興太生濃蓐食催程趁曉鐘短夜齧箕  
羸馬倦崇朝躋險小僮慵崩沙擁路還登岸急  
雨渾山不辨峯回首偶看雲缺處忽驚斜日已  
高舂

次韻答實之

高才莫歎積薪場萬事端宜信彼蒼我有青氈

同子敬君垂白髮似馮唐浮生閱世驚年促旅  
館逢秋怨夜長舉目政妨人作樂誓將歸老水  
雲鄉

別後又用實之韻

詩篇樽酒憶逢場聚散關心鬢欲蒼老鴈重雲  
天錯莫秋燈虛閣夜蒼唐十年江海人空老千  
里關河夢亦長見說邊頭多警急好將書劍早

還鄉

實之向嶺北余歸  
江都故五六及之

暮歸

夕日已入群動息烟沙露草迷荒原虎嘯陰壑

夜風烈孤鳴空林秋月昏流螢閃閃疑鬼火老  
樹曖曖知山村家僮出迎把兩炬枝間寒雀驚  
飛翻

陶通判別章二首

月汀相公所命  
名良性晉陶潛之  
後也

太尉勲名照八垠

晉陶侃官  
至太尉

潯陽高節更無倫

晉書淵明潯  
陽柴桑人也

九門飛上平生夢五柳歸來自在

春青史舊欽名世士白眉今識出群人袞衣忽  
似鴻遵渚不許凡蹤託後塵

四海堂堂蓋世豪幾年東土獨

一作  
賢勞又從

紫極回金節長使青丘戀繡袍霜落薊門秋葉

下月臨遼塞朔雲高應知此去三千里萬古風  
烟入彩毫

吳都司別章代人作

高才自是萬夫雄緩帶輕裘有古風曾見斬鯨  
波已息此行探虎穴應空春天玉帳梅花外落  
日樓船海氣中聞說南邊多警急官軍回首望  
吾公

春日有懷

綠楊如畫弄晴暉深院蒼苔晝掩扉燕子歸來  
春寂寂杏花零落雨霏霏心還舊國身猶滯夢

對清樽覺却非京洛故人休借問十年江海淚  
盈衣

首夏村居睡起對酒

茆簷偃卧腹便便任使諸生笑孝先萬事忘懷  
唯夢裡百年得意是樽前正聽布穀鳴桑樹忽  
見春鋤下水田苔蘚滿庭晴晝永不妨終日枕  
書眠

書懷

故知天意薄浮生險阻艱難實飽更萬事乘除  
都外物一身譽毀摠虛名文章不免有齊氣旅

寓豈能無越聲半夜悲歌頭欲白赤憎燈火向  
人明

再宿靈通寺

寺為兵火所燒  
殿巍然獨存

昔年曾向此間行

余於辛卯秋  
嘗遊于此

夜上西樓聽水

聲溪月欲沉秋樹黑佛燈初盡曉鐘鳴  
塹灰過劫驚浮世塵路關心歎此生山意似知曾宿客  
故將雲雨掩歸程

是日有雨

遣悶

絕域淹留歲月催白頭愁寂望鄉臺寒潭夜識  
魚龍氣古渚秋聞鴻鴈哀兵甲定來民更苦俊

賢登後事堪哈少年相識今要路一寄封書久  
未回

讀杜詩偶題

杜甫文章世所宗一回披讀一開胸神飈習習  
生陰整天樂嘈嘈發古鐘雲盡碧空橫快鷗月  
明滄海戲群龍依然步入仙山路領略千峰更  
萬峰

滿月臺

登臨忽覺意悽悽興廢人間事不齊宮樹有霜  
秋葉落土城無堞暮雲低可憐螭陛成樵路誰

遣龍池作稻畦此地繁華君莫問只今唯見夜  
烏啼

登百祥樓

江上飛樓近碧空獨來臨眺思無窮天低草樹  
微茫外地入雲霞縹緲中宇宙此生都夢幻山  
河終古幾英雄簾旌不動斜陽盡欲就新詩愧  
未工

次使相韻

俗語令人頭觸屏麴生韻可與忘形百年憂樂  
身如夢萬事乘除髮欲星只把詩篇供謾興要

尋泉石寄餘吟中宵坐念平生計風滿疎簾月滿庭

贈洪判官義有

羨君投筆事弓刀八尺堂堂意氣豪壯士要須探虎穴奇才况復蘊龍韜莫嫌佐郡親敲朴會見登壇擁節旄肯似吾人淡生活苦吟終日但

舍毫

洪既登進士棄文就武方為義州判官

次友人韻

澤國春深鴈影稀遠人猶着臘前衣鄉關渺渺無消息塵世紛紛有是非何處小桃臨水岸即

看新燕入山扉晴窓忽作還家夢門外垂楊綠已肥

次崔天使

健途

途中感懷韻代遠接使作

仙旆乘春轉海陬東風花柳滿長途留連酒賦聊隨俗整頓精神在省吾身外求名都幻妄靜中觀物本虛無吟詩不用愁肝腎學到忘言是丈夫

春晴官柳綠初敷玉節翩翩向漢都使事不論行邁遠嚴程寧歎歲華徂諮詢謠俗雖無暇點檢身心祇在吾花錦草茵俱可賞不妨隨處著

工夫

別顧天使峻天代遠接使作

江頭細柳綠烟絲暫駐蘭橈折一枝別語在心  
徒脉脉離盃到手故遲遲死前祇是相思日送  
後那堪獨去時莫道音容便長隔百年還有夢  
中期

元上人將遊楓嶽詩以贈行

人言楓嶽是丹丘萬古巉岵碧海頭懸瀑斷崖  
多秀絕佛堂禪室可淹留石門長照綠蘿月琪  
樹不知紅葉秋塵土幾年勞夢想羨君蹤跡去

悠悠

送李重卿顯英佐幕關北

東風行邁正迢迢征蓋飄搖駟馬驕關路入天  
春有雪驛亭邊海夜聞潮傳盃幕府催搥鼓觀  
獵陰山試射鵬莫歎詞臣屈叅佐會看徵札下  
雲霄

清明

東風吹暖艷陽天病後逢春却自憐燕子入簷  
仍舊壘家僮乞火是新烟催花小雨知佳節鬪  
草閑遊記少年國俗小兒有鬪草之戲與中國所云者不同景物不

殊人已老更能聞健向尊前

途中遇小雨宿天燈村

朝來暑氣忽淒清  
小雨冥濛滿去程  
著霧始憐纔有色  
八林還覺細無聲  
簷前語燕應愁濕  
葉底鳴鳩未喚晴  
夜宿田家聞喜語  
不知行客怯晨征

次李實之韻

擊節高歌猛虎行  
人生頭白竟何成  
今朝拄笏看雲氣  
昨夜連床聽雨聲  
聊把酒杯酬暇日  
敢將文字鬪虛名  
君詩白璧無瑕纍  
價重秦王十

五城

又用行字韻求和

世路羊腸未易行  
可憐辛苦欲何成  
年來倚着如秦贅  
客裡呻吟有越聲  
微祿只堪供酒債  
此心初豈在榮名  
應須卷取詩書去  
終學龐公不入城

附次韻

踽踽難堪獨自行  
屠龍藝元竟無成  
黃鐘牛鐸誰同調  
布鼓雷門謾一聲  
旅館入秋驚客鬢  
微班通籍咲浮名  
故山芋栗時將晚  
何日

歸驂却出城

奉別禾谷鄭公按節海西

即今宵肝重西方方面雄材較孰長俗喜動搖  
須鎮靜事多騷屑貴商量為煩公試澄清轡要  
使民歌蔽芾棠簿領侵尋應少暇肯容書疏及  
滄浪

解職後題

平生樗散鬢如絲薄宦淒涼未救飢為問醉遣  
官長罵何如歸赴野人期催開鴈甕嘗新醞更  
向晴簷閱舊詩謝遣諸生深閉戶病中唯有睡

相宜

送林子慎赴統制幕

送君南去路悠悠元帥營臨地盡頭男子要為  
天下用兵家須仗幕中籌詩成野館梅花暖角  
罷轅門海氣收未脫儒冠吾已老春風回首庾  
公樓

記夢

夢泊孤舟江水涯柳邊一迳斜復斜溪東溪西  
浣紗女巷北巷南沽酒家淺沙初茁小蒲葉遲  
日欲睡甘棠花恰向橋頭謀一醉奈此閣閣官



池娃

送丁内翰奉使嶺南

繞看石室罷紬書又向江南萬里餘  
賓館凍醪窮臍後驛程殘雪上春初  
遺風可揖金烏老古蹟應經首露墟  
與問星州賢太守官梅詩興定何如

時友人洪輝世為星州

題德陽遺稿後次蘇齋韻

往事傳聞古老言欲傾東海洗深冤  
至今賸馥留天地能使餘輝被子孫  
澤畔共憐曾謫處洛陽應有儻來魂  
平生我亦剛腸者每把遺編拭

淚痕

病中幽懷

春來伏枕動經旬藥餌扶吾備  
苦辛晨旭入簷禽語好午風吹樹  
雨聲新書空咄咄憐浮世合眼  
依依夢故人誰識病中危得道  
此心隨處露天真

次梁天使有韻

試向沙邊駐彩車江村烟景綠陰初  
已催玉學傳香醕更遣金盤薦白魚  
舞影亂侵河伯室歌聲清徹水仙居  
忽看芳草晴川句捲取湖山地

有餘

次韻謝朱天使

之蕃

惠示葱秀山所作長律

古洞香風吹碧桃仙翁浥露弄柔毫銀鉤落紙  
驚回鳳硬語盤空掣手巨鼈嘉貺詎宜歸俗子醉  
心渾似酌芳醪平生遠慕滄洲老丹穴今看五  
色毛

朱文公嘗自號滄洲病  
叟上使即文公後裔云

次朱天使謁

聖韻

百家諸說莫徒繁一脈真源在聖門妙括乾坤  
元莫測明懸日月更何論梯航萬里風聲遠俎  
豆千年禮意存多謝使華珍重意為將心法啓

東藩

次梁天使謁

文廟示諸生韻

青衿肅穆競趨隅為向橋門謁大儒學貫精粗  
方是道行違忠孝定非夫點狂詎肯同三子參  
唯從知在一呼略把微言警多士如公善誘向  
來無

家牒藁成題于卷尾

羅王聖骨是吾先西始鳴鷄事渺然錫邑今方  
三七代開邦舊已一千年翰林詞藻風聲遠僉  
議尊榮福慶綿小子怛然憂失墜錄為家牒要

流傳

太史於鞞為二十  
一代祖云故三七

寄洪察訪

元命

樽前每憶接歡初聚散無端髮欲疎君似馬曹  
寧記馬我知魚樂且觀魚風塵動作三年別關  
塞空傳一紙書想得春來多好句郵筒能問野  
人廬

江村病後

病人門巷可張羅頭上光陰任擲梭江鷺受風  
飛去便岸花經雨落來多一作晴鳥巧當幽處  
語落花偏取靜時多  
濁醪政爾禁愁得佳節如吾不飲何暫向北窓

成一睡夢中無限白鷗波

成通判

準

為其大人求壓海亭詩得青字

湖西形勝此名亭高壓鰲頭俯鶴汀萬里山河  
扶棟宇四時風月衛旌櫺寒聲蹴地波濤壯秀  
色浮空島嶼青更覺天文近南極尊前長對老  
人星

自懷川回公山途中作

三宵魂夢在江干歸騎寧辭此路難山木欲誇  
秋色好松風併入雨聲寒愁緣石棧藤纏足怯  
渡沙灘水及鞍強把新詩記行役詩成還復費

吟安

冠南亭次韻二首

飛樓迢遞出重霄，怯跨危梯步步搖。  
斜瞰帝車天闕逼，俯臨仙島海門遙。  
人烟罨地渾疑盡，草色迷空僅辨橋。  
送了夕陽迎素月，獨憐松韻鬧深宵。

千尺危甍近九霄，登臨除是借扶搖。  
雲中秀色峯巒出，海上晴霞島嶼遙。  
最好倚欄看北斗，不關行藥到東橋。  
山城角罷人初定，竹月松風共一宵。

觀瀾亭次趙怡叔

希韻為柳僉知春題

踏石穿林一徑遙，忽看危構勢矜驕。  
烟中樹色分回渚，雨外帆風逐暮潮。  
二月鶯花渾滿地，千峰蒼翠欲摩霄。  
主人飽受清閑福，長把琴尊了夜朝。

次熊天使化食橋韻

嘉樹從來出南國，誰令美味落吾唇。  
叢叢綠葉紛堪喜，箇箇金匳訝許勻。  
芬藹隔年猶未沫，嫩姿涵露久能新。  
絕勝西蜀櫻桃實，相贈筠籠賴野人。

次熊天使漢江韻

仙遊忽忽夢繞回詩比明珠敵十枚氣挾元龍  
凌百尺名高大陸患多才一邐晴浪蕪天淨無  
限雲山八座來勝地不常人易老好懷能復幾  
時開

沈尚志挽詞

春風交蓋記韶顏玉雪高標杳莫攀才合廟廊  
終縣邑戚聯豪貴也清閑公能得我形骸外我  
亦遊公父子間好事祗今都寂寞忍看丹旄雨  
斑斑

書示法林上人

此道從來未決疑紛紛何者是真知靈源政在  
忘機地妙法元存不語時說有說無都幻妄觀  
心觀性轉支離平生每戒人饒舌強為吾師一  
賦詩

寄題金秀才宣最樂堂用車五山韻

塵緣銷落了無餘為向林泉好卜居培井可容  
東海鼈逍遙聊學北溟魚百年濁酒三盃足千  
里雲山四壁虛何物巨源能說我知君不作絕  
交書

次韻李東萊子敏見寄

江雲嶺樹久離居忽得新詩錦不如潘陸文才  
知益妙秘劉禮法向來疎孤燈每結中宵夢兩  
歲曾無一紙書更向尊前鬪強健鬢毛吾已不  
勝梳

月沙宅酒席有作

寒天燈燭照黃昏鍾動嚴城欲閉門異禮向來  
慚始愧清尊何幸獨留髡未將感激酬高義空  
自周旋奉緒言明日孤舟江海闊白頭愁絕更  
堪論

舟次豆毛浦登申景昇亭子次壁上韻

浮生苦樂劇紛然取捨由人不在天要識世間  
真富貴試看湖上小神仙樓前月色半江水門  
外笛聲何處船十載奔忙吾欲老肯容風榻片  
時眠

李判事慎言挽詞

休論妙解察璿璣孝友家聲世固稀禍福在天  
終莫詰妻兒無食欲安歸松楸寂歷迎丹旆風  
雨淒涼捲素幃惆悵向來相送地白沙村路掩  
柴扉

君治天文學與余同  
住江村故起落及之

次鄭公述湖亭韻

沙村臨水水侵門，獨愛茲亭近白雲。  
一鳥去邊天遠大，群山盡處地橫分。  
世間得失看碁局，身外悲歡付麴君。  
祇許風烟生眼底，竹床梧几了晨曛。

生眼底一作供宴坐

送李判書

尚毅朝 燕京

可但朝中屬望勞，向來多士仰仙曹。  
佇看昂軸登黃閣，却捧綸音拜赭袍。  
霜重薊門秋樹落，雪晴燕塞朔雲高。  
定知丹陛趨班日，指點東韓第一豪。

自遣效白樂天

譽毀紛紛奈我何，仰天時復一高歌。  
歡隨好事年年減，病逐窮愁故故多。  
濁酒數盃聊獨自，白頭千事已從他。  
誰人更問揚雄宅，門巷無無雀可羅。

李子敏臺山讌集和諸公韻

偶然聯袂出風塵，共是關西舊日人。  
世事糾紛身欲老，天時搖落鴈初賓。  
久知上客才無敵，自覺高歌興有神。  
回首莫看湖外路，別腸還恐轉車輪。

子敏將赴任湖郡

大歲日抱疾有作

誰言此日是佳辰  
節序關心更損神  
眼病不眠非守歲  
貧家無酒可迎春  
至今切怛存遺俗  
行處繁華屬別人  
只有窮愁與衰意  
一時俱入鬢絲新

石洲集卷之五

五言排律

奉寄車五山吟契二十八韻

有羨文章伯  
聲華溢大包  
佳詞知吐鳳  
雄筆見騰蛟  
雅健凌韓杜  
酸寒笑島郊  
麗時偏旖旎  
竒處極牙聲  
截鵠流星劍  
穿楊偃月弮  
高風起頽墮  
雅量滌昏悒  
鵬鸞青雲路  
驛驢白玉鞘  
忽驚身蹭蹬  
可奈謗逖呶  
犀首終無事  
楊雄已解嘲  
唯應攬宿莽  
未用索瓊茅  
小子蒙湔祓  
微才似斗筲  
顛瞑長勿勿  
狂簡漫嘐嘐  
入室香薰鼻  
趨



風汗被散暮江烟漠漠春館鳥咬咬逸興詩盈  
卷清談酒滿匏望洋多海若覆水愧堂坳醉態  
從人罵新篇任客抄俗情親楚壁世路劇秦嶠  
萬事風中絮殘生水上泡行裝挑竹杖活計海  
棠巢聚散頭如鶴艱危泣似鮫竄身愁羽撥避  
地怯鳴鶻水伴鳧鷖宿風聞虎豹咆窮途雖少  
暇舊習未全拋雪棹期相訪雲扃許再敲無論  
一日長已是十年交義重同瓜葛情深比漆膠  
相思歲又換春色上梅梢

奉別吳都司

宗道三十韻

暨暨當朝傑堂堂間世英詩書初學道韜略偶  
成名雅量人皆服高標孰與京才堪調鼎鼐志  
在掃撓搶壯氣風雲動孤忠日月明驥蹄香玉  
軟鷹翻碧霄晴駟騎辭秦塞樓船擁楚兵先聲  
驅乳贖餘勇掣奔鯨巨猾雖云斃妖氛未盡清  
分符防絕海留節鎮孤城令肅轅門靜人和邑  
里平英明通物理慈惠得民情玉帳經年駐春  
天萬里征觀光喧士女戀德泣孤惇勲業期他  
日安危在此行行者金印大還恐雪山輕海雨  
連營幕江風捲旆旌去應催畫鷁歸及聽啼鷺

賤子為何者窮途笑此生自甘無事飲誰識不  
平鳴濫辱招賢禮深紆下士誠掃臺迎郭隗虛  
坐引侯羸感激情彌切蒼茫意自驚蒯緄終有  
托珠履一何榮別恨還千種前途更幾程碧幢  
翻日影畫角雜波聲祖席依依展離觴細細傾  
灰心不盈寸霜髮欲添莖記室非何遜軍謀愧  
子荊未酬知己分回首淚縱橫

吳都司別章代江華府使作十韻

帝命詩書將東征鎮海隅才高為世用名重應  
時須妙略超千古威聲動九區指揮安鯨域光

彩照龜趺鼓角接船遠風烟海戍孤此行臨絕  
徼終要展奇圖偶爾趨郎署居然佩郡符掃門  
供執役負弩作先驅鄭重驚深眷龍鍾愧薄軀  
百年懷感激長覓報恩珠

尹政丞壽挽章八韻

朝野多艱日乾坤再造辰方將恢大業忽復喪  
斯人宿昔登黃閣周旋捧紫宸世稱雙白璧家  
有十朱輪士論茲為重天恩久益新如何歸厚  
夜不可問蒼旻素幕風翻旒靈輶雨灑塵只應  
良史筆垂耀在千春

一作唯餘  
麟閣  
蓋赫赫照千春

奉送月沙相公東還十六韻

國有無雙士公今第一人妙年登玉署華譽夾  
楓宸德望誠如此文章更絕倫運籌酬造化揮  
翰潤絲綸劔佩丹墀曉烟花紫禁春光承雨  
露符采照臣隣受節龍鑪側柔槎鴨水濱 聖  
情終不倦殊錫向來頻世事豈可料人情難具  
陳縱然心許國爭奈病纏身得喪兼憂喜行藏  
在屈伸踈慵叨末眷剪拂荷深仁未作登門客  
先為八幕賓報恩當結草戀德已書紳後會知  
何地離愁惜此辰天涯無限淚沾洒望行塵

李端川

謫母氏挽章八韻

奕世家聲遠宜人婦德恒肅雍無與比豪貴亦  
堪矜院落笙歌夜樓臺錦綉層向來聯禁掖何  
必問 山陵終始三從備哀榮一代稱歸魂應  
月殿往事已風燈有子能為後論文早服膺升  
堂百年約中道忽無憑

賦得春日觀朝效唐朝省試體

丹極垂衣地形庭謁帝時春深百子殿花發萬  
年枝肅肅鉤陳位深深獻納司曙鸞啼禁籞晴  
柳拂旌旗禮樂尊堯典文章法漢儀日高聞珮

響應在鳳凰池

宣宗昭敬大王挽詞十六韻代人作

嗣聖開新統膺期撫大東神謀參造化至道契  
昭融禮樂於斯備文章與古隆洗誣光典冊恭  
已接臣工布澤春何限掄才鏡至公庶頑歸一  
德群目仰重瞳運極復中否戎生匪內訌暫勞  
西塞駕遙控北宸宮克復寧無策憂勤實自躬  
果然哀痛札能致廓清功日月重新後乾坤再  
造中涪溪纔頌業鼎水忽遺弓雨縈催仙馭寒  
笳咽曉風危行兵衛肅奔哭里間空肺附蒙殊

渥心期效小忠攀髯知莫及泣血向蒼穹

石洲集卷之六

五言絕句

昨夜

昨夜西園醉歸來對月眠  
曉風多意緒吹夢到梅邊

秦始皇

焚書計太拙黔首豈曾愚  
竟葑驪山塚還非詩禮儒

醉贈李子善

長鈞脫相贈酒危安足辭  
男兒然諾地頭白以

為期

江口早行

鴈鳴江月細  
曉行蘆葦間  
悠揚據鞍夢  
忽復到家山

偶用三南韻

月黑風吹雪  
驚鳥繞樹三  
燈前萬里客  
頭白滯江南

滴滴

滴滴眼中淚  
盈盈枝上花  
春風吹恨去  
一夜到天涯

村居雜題二首

微雨乍晴後  
小桃初發時  
東風強作意  
吹折最高枝

柴扉啓曙烟  
芒屨踏朝日  
夜來山雨晴  
春巖已堪折

途中

日入投孤店  
山深不掩扉  
鷄鳴問前路  
黃葉向人飛

詠道傍廢宅

古宅何年廢  
墻垣半已傾  
空厨有殘粟  
白日鼠

縱橫

白蓮寺訪鄭德容林子慎

不識招提路天寒雪滿山  
忽看烟起處知在亂松間

高陽途中見白骨感而作

攬蓬指枯骨問君何代人  
微禽尚有墓為爾一

沾巾

道傍有俗傳  
鷓鴣墓故云

九月初五把酒有作

江縣葉初墜山扉秋欲深  
重陽知己近人醉菊  
花陰

簡李子敏

江漢春風起離懷又一年  
南飛有鴻鴈書札儻  
相傳

附次韻

天涯病初起春晝靜如年  
此日花山子新詩  
萬里傳

題騎驢圖為韓瑩中作

落日青驢背襟懷只自知  
暮雲千嶂雪何處不  
宜詩

留子定宅邀子寬不至詩以代簡

孤燭照寒夜小梅花半開清尊望夫子夫子胡  
不來

室人勸我一酒詩以荅之

數日留連飲今朝興又多斯言也復是奈此菊  
枝何

有懷李實之

泥酒朝慵起尋詩夜小眠還隣李太守不在此  
樽前

題畫六絕為韓宜仲作

春服初成後山蹊獨立時直須忘去路詩在好

花枝

右春

露髮烏巾小哦詩對曲塘耽看荷色淨不覺柳  
陰涼

右夏

為愛霜楓晚維舟古樹根深知垂釣意只是佐  
清尊

右秋

皎皎梅梢月清宵分外寒猶嫌未奇絕更向水  
中看



右冬

秀色滿空天寧知是粉繪無論枝幹奇已似聽  
寒籟

右古松

怪此蒼髯老長身醉不扶唯知直幹好枉子一  
何愚

右倒松

城東梁子漸

慶

寓舍次主人韻

背郭村墟小深秋獨掩關休言在都市簾外是  
青山

附元韻

萬戶烟光紫初陽已滿關為憐清景早歌枕  
看秋山

酒席贈梁子漸

會心為至樂無事是良辰偶得一尊酒更逢千  
里人

題桐葉

晚携綠綺琴愛此梧桐影坐待月華生夜深風  
露冷

十月二十一日雨雪交下雷電俱作

莫畫純陰卦休論七日來要知爻外易聽取雪中雷

寄傲軒次主人邊明叔韻

忘言長莫莫得意便由由盡日無人問江風吹白頭

石洲集卷之七

七言絕句

南山讌集歸路有作

十里烟花春近遠一樽香碧玉東西歸時月出重城閉燈火千家路欲迷

征婦怨

交河霜落鴈南飛九月金城未解圍征婦不知即已沒夜深猶自搗寒衣

與子敏夢得夜登兩宜堂以西江月分韻

余得西字

江空水落露淒淒沙上鳴禽不定栖高閣捲簾  
人夜語月輪移在海山西

送義上人之松都二首

六年辛苦已忘言萬事都歸不二門古寺翻經  
秋又盡萬山紅葉自黃昏

空山木落響寒溪古寺重來意自迷清坐一番  
微雨歇夕陽依舊在吾西

寒食

城頭春酒賽神歸城外人家盡掩扉小雨霏霏  
濕枯樹寒鴉銜得紙錢飛

寄具容

年年同賞禁城花別後那堪度歲華鴻鴈不來  
春又晚一船風雨在天涯

附次韻

春雨冥濛欲放花客窓癡坐感韶華曉星寥  
落子規歇夢斷江南天一涯

宿大津院

夕投孤館抱鞍眠破屋踈簷仰見天聽得厨人  
連曉語艱難各說壬辰年

壬字平聲此用側讀  
乃國音如杭州十字

題金晉卿郊居次元常夫人韻

孤村歲暮雪皚皚竹下柴扉午未開中酒擁衾慵不起主人扶首勸餘盃

林居十詠

早春林木澹孤清無數山禽下上鳴昨夜無端南澗雨澗邊多少草芽生

右早春

疎籬短短兩三家水滿池塘吠亂蛙山客夢回山鳥語曉風催發碧桃花

右暮春

春事闌殘雨不來野田無水起黃埃老農清曉開門出山下尋泉午未回

右悶旱

澗邊青草漸蒼蒼階上閑花滿意香蓬戶捲簾終日雨小池鳧浴綠汪汪

右喜雨

避俗年來不過溪小堂分與白雲極晴窓日午無人到唯有山禽樹上啼

右無為

鳶魚飛躍太和中萬物浮沉一氣融春雨歇時

庭草綠這般生意與人同

右觀物

林下清溪溪上亭亭邊無數亂峯青幽人醉卧  
日西夕萬壑松風吹自醒

右溪亭

已將身世寄山樊俗客年來不到門四壁圖書  
燈一盞此間真意欲忘言

右獨樂

此心非色亦非空方寸之間萬理融本地風光  
誰解得向來都在寂然中

右觀心

世間萬事拚相忘顏氏簞瓢一味長清曉卷書  
聊合眼一簾微雨可燒香

右存養

馬上得詩

世事如今不管他只將詩句了山河可憐馬上  
平生得持比劉翁果孰多

過鄭松江墓有感

空山木落雨蕭蕭相國風流此寂寥惆悵一盃  
難更進昔年歌曲即今朝

公嘗有短歌道死後  
誰勸一盃酒之意

餅梅

盡日巡簷意未闌折來要向靜中看孤燈照作  
橫斜影水在玉餅春夜寒

湖西客舍

客窓燈大照虛涼魂夢中宵繞北堂記得短籬  
叢菊在恐教歸日失重陽

題仙滄精舍

松下縈回一徑微竹林高處見巖扉山光水色  
自清絕更被斜陽來發揮

次林子定韻贈山人

到無知處得真知始覺坐忘成坐馳報道西湖  
林處士本來無笛若為吹

林詩云歸把祖家無  
孔笛碧潭明月盡情

初春

天邊梅柳又沾衣意落江南尚未歸夢裡茫茫  
無限事回頭二十九年非

效香奩體

雲屏斜掩翠眉顰不恨紅顏只怨春窓外綠簾  
簾外路路中多少斷腸人

抱兒有感

赤子胡然我念之曾聞為父止於慈白頭永隔  
趨庭日忍想吾身似汝時

書懷

馱賦論兵心事違此生蓬累欲何依風塵滿眼  
知音少海上千峯獨掩扉

醉贈秋娘

揚州一夢杳難追此地琴尊本不期莫唱江南  
斷腸曲向來存沒不勝悲

送玄翁歸湖南

聽雨江樓清夜深離情到此已難禁湖南去去

一千里他日相思何限心

附次韻

北極迢迢南斗深離懷垂老若為禁夜寒鴻  
海生明月斟酌玄翁一片心

旅食鱸膾

長網擁出碧波間白雪堆盤解破顏巨口細鱗  
風味好此行非但為名山

余之遊湖南也嘗四月喫蓴作一絕云  
湖南佳致似江東此物多生野水中張  
翰從來不知味歸帆何必待秋風今喫

石州集卷之十一  
鱸魚偶記此作因并錄

六月初五夜夢入古寺賦一絕覺而記得

滿林霜葉開秋聲咽咽寒蛩到曉鳴更有風泉

助蕭瑟便教歸夢不分明到曉鳴本作語夜涼不協韻故改之

夢得一小冊乃金德冷詩集也其首一篇

曰醉時歌余三復得之其詞曰醉時歌

此曲無人聞我不要醉花月我不要樹

切勳樹切勳也是浮雲醉花月也是浮

雲醉時歌無人知我心只願長鈿奉明

君既覺悵然悲之為作一絕

將軍昔日把金戈壯志中摧奈命何地下英靈  
無限恨分明一曲醉時歌

捕蠅飼鷄兒戲作

烏鴛何愛螳何憎一視同仁我未能不把虫鷄

辨得失盤中只喜減秋蠅

秋日題宋子清蓮亭

小塘秋色在枯荷折藕寒香浸碧波好是酒醒

歌枕處一軒寥落雨聲多

謝五山寄一枝菊

雨後秋花濕滿枝故人遙寄歲寒姿憑渠更覺



年華晚獨嗅清香有所思

存歿二首

尹生

名尚賓字觀仲

詩思秋天杳李子

名榮元字子善

清談玉

露繁江海幾年音信絕古墳衰草自黃昏

形骸礪魄具公受眉宇清竒姜子舒塵世五年

雙眼淚湖山千里一封書

睡起

西窓睡起對斜陽花影參差柳影長深巷閉門

無客到博山終日費都梁

名香

寄李楨求畫

麟閣勲名計已空十年塵土暮途窮從君暫借丹青手置我湖光山色中

還家雨夜憶山中諸友

在山誰料出山愁一夜相思欲白頭夢罷不知簷溜亂却疑身卧澗邊樓

初秋寄子敏

聞君萬里還家日值我三旬伏枕時惆悵未回乘興去井欄桐葉墜相思

舟行

巴陵城外中宵月烏島山邊半日風穩枕書囊

蓬底睡不知身在急流中

書一作裝

題畫四首為子深作

百年蹤跡寄雲林得計於魚不厭深何物小兒  
剛解事敢將天下感余心

右許由

叩馬方知是義人死生終始一般民遂令薇蕨  
尋常草留得山中別樣春

右夷齊

十里灘頭數疊山釣臺孤絕白雲閑平生悔作  
狂奴態虛播聲名滿世間

右嚴光

紫桑物色似隆中出處雖殊氣味同當日若蒙  
三顧惠晉家天祿未宜終

右陶潛

對菊有感

愛花曾號菊齋翁遠識吾家文正公舊事茫茫  
無處問一樽惆悵對西風

代人寄遠二絕戲林子中

不向空閨怨獨棲怨郎騎馬出關西關西自古  
多佳麗恐為新人滯馬蹄

獨伴秋燈坐到明  
念君遙適在邊城  
平生不識關河路  
昨夜分明夢裡行

秋夜感懷

月照虛簷生夜涼  
草間秋露語商羊  
爾雅註曰草虫也  
十年人世無窮事  
門閉寒林葉又黃

春江詞效竹枝歌二首

二月江村花絮飛  
水深沙暖荻芽肥  
漁童八夜唱歌去  
渡口月生人語稀

喜雨亭邊朝雨過  
楊花渡頭芳草多  
江中擊鼓賈客醉  
堤上女郎多唱歌

八林子定郊居

臘殘春近水邊村  
幾處寒梅欲返魂  
匹馬問人沙路細  
滿林風雪獨敲門

題枕碧亭

層城東畔是扶桑  
千尺危亭倚女牆  
孤戍夜寒吹畫角  
碧空無際海茫茫

夜雨雜詠四首

正月晦夜剪燈斟酒情發成詩文不加點

春宵小雨屋簷鳴  
老子平生愛此聲  
擁褐挑燈因不寐  
對妻連倒两三觥

扁舟不補聖明朝  
白首滄浪意寂寥  
孤枕夢回

聞小雨一燈明滅照春宵

昨日喧喧歌舞場只今荆棘露沾裳世間萬事皆如此莫怪書生鬢髮蒼

百年契闊詩千首萬事驅除酒一缸半夜虛簷風雨鬧夢成歌枕聽寒江

寒食

祭罷原頭日已斜紙錢翻處有鳴鴉山蹊寂寂人歸去雨打棠梨一樹花

悼亡寄示李子敏

親知零落已無存萬事人間祇斷魂為問如今

風雨夕也能重夢具綾原

李嘗有夜雨燈殘夢具容之句故云

送沈生

年少今為席上珍瓊枝標格玉精神春風相見忽相別却羨悠悠行路人

哭具金化喪柩于揚州之山中曰日暮留

宿天明出山

是夜夢金化如平生

幽明相接杳無回一夢殷勤未是真掩淚出山尋去路曉鶯啼送獨歸人

偶成

明璫能使盜心注昏鏡最為姪者求志士幽人

莫惆悵人間禍福捻悠悠

沈秀才

讚

從余讀中庸作一絕以示

此道平如大路然誰將意見比登天爐熏一炷  
蒲團靜驗取吾心未發前

題壁

祇要從容未要忙眼前無地不風光如今始悔  
平生事誤認并州作故鄉

金龜城

吳

湖亭八景

雨後濃雲重復重捲簾清曉看奇容  
復更日出無蹤跡始見東南三兩峯

右三角晴雲

微陽灑灑照寒波無限新詩到此多  
可向騷人留一刻為君持酒勸羲和

右二山落照

綠荷回首背西風人倚樓頭水檻空  
半夜酒醒聞小雨寒聲偏覺在池中

右荷塘夜雨

蘆花如雪滿江千陣陣邊鴻報早寒  
何處搗聲驚著汝一時飛入暮雲端

右蘆渚秋鴻

春郊漠漠雨來初  
草嫩沙平畫不如  
蘆管一聲牛背穩  
人間未信有安車

右東郊牧笛

烟渚蒼蒼極目寒  
忽驚流火照沙灘  
分明知是漁舟子  
莫作踈星蘸水看

右南浦漁燈

西南貢賦湊王京  
千陣風檣趁水程  
此去漢陽知不遠  
船頭指點幸州城

右鳳翔風帆

塞外傳光檻外看  
年年長是報平安  
幽人不識

防秋事只愛雲邊落點殘

右烏島夕烽

宿高禪庵

夕投巖寺近青空  
枕底蕭蕭落木風  
老釋不關塵土夢  
獨敲秋磬月明中

和子敏絕句

朱絃清唱對金尊  
一夜風流抵十分  
却恨詩翁乘興到  
主人沉醉已昏昏

附元韻

今朝卧病阻清尊  
強起來尋夜欲分  
惆悵醉

翁眠正熟琵琶一曲小燈昏

十二月二十六日權汝章生辰也置酒  
要飲病不得赴及夜半獨卧無聊力疾  
往焉君已醉倒牢睡不起左右無人唯  
琵琶工侍旁因命彈一曲留絕句而去

次郭山雜題韻四首

羨君文彩映諸郎七字新詩近盛唐自笑暮年  
踈翰墨醉中吟嘆劇顛狂  
官燭成灰夜漏遲美人相對淚如絲從今容舍  
青青柳不復長條似舊垂

忙時爭及靜時好樂處不知愁處多不怕鬢毛  
成白鶴但憐尊酒似黃鵝

夕醉昏昏傾綺筵枕邊官燭為誰燃五更忽夢  
宣城事只是前宵已惘然

百祥樓月夜次使相韻

長洲烟草綠萋萋人在樓頭月欲低多少世間  
佳麗地斷腸唯有淚江西

憶成川

雲雨高唐夢裏還滿空蒼翠是巫山至今最有  
關心處人在樓臺縹渺間

六月初吉夜夢入空宅夕雨霏霏落葉滿  
庭如有怨別傷時之感口占一絕覺而  
記之

空村寂寞掩柴扉  
滯卧殊方故舊稀  
送盡夕陽人不到  
滿庭紅葉雨霏霏

宿高秀才

霖傳山亭

習池留客醉醺醺  
夜宿秋山近白雲  
風露滿身渾不寐  
小泉幽咽隔窓聞

滄浪亭二絕

屋下清江屋上山  
道人生計水雲間  
應知靜坐

翻經處潭底神龍夜叩關

蒲團岑寂篆烟殘  
獨抱山經靜裡看  
江閣夜涼松月白  
渚禽飛上竹闌干

金平甫郊居

野人生理何須足  
一頃荒田數畝園  
縣吏不來門巷靜  
自編青竹護雞孫

海庄八詠為尹景望作

千疊峯巒展畫屏  
朝朝爽氣滿窓櫺  
幽人柱笏看雲處  
最愛天邊一髮青

右瀛山挹翠

五州集卷之二

十五



鯨海茫茫迥接空馮夷鼓浪駕雷風乾坤自古  
東南豁日月浮沉元氣中

右溟海觀濤

東津迢迢水連空一陣檣烏杳靄中宗慙平生  
破浪願幾時容借半帆風

右沙津遠帆

寒空閃閃暮鴉翻紅日亭亭下海門但使夕陽  
無限好不須多事怕黃昏

右蜩島落照

江千愁色滿蘆花望裡長洲一帶斜何處青天

數行字晚風吹落白鷓沙

右蘆洲鴈陣

鶴汀鳧渚望依依幾處殘村掩竹扉江口夜深  
聞犬吠月明知有打魚歸

右竹嶼漁村

江上孤城欲閉門戍樓寒角報黃昏幾枝吹徹  
浮雲盡正見沙汀月一痕

右孤城戍角

遠林初日上銅鉦極浦微茫眼底平遙識人家  
在沙岸隔江猶見亂烟生

右極浦炊烟

利仁驛贈李察訪忠元

風塵一別幾秋螢  
尊酒他鄉忽眼青  
莫歎郵亭屈  
奇士向來浮世寄

歸江都留別邊明叔應

京口移家計已非  
又將書劔決然歸  
他時若問吾消息  
海上孤村獨掩扉

寄呈成川許令公潛

江潭芳草綠迢迢  
千里音書久寂寥  
想得降仙樓上月  
玉人閑捻鳳凰簫

清明日寄洪秀才賈覓酒

萋萋芳草喚愁生  
老去逢春更有情  
一夜雨聲花盡發  
可堪無酒過清明

清明

清明籬落起新烟  
物色依侷似去年  
深巷閉門終日雨  
杜鵑花發小窓前

嬋娟洞

年年春色到荒墳  
花似新粧草似裙  
無限芳魂飛不散  
至今為雨更為雲

過城山具容故宅二首

石沙集卷之二  
城山南畔是君家小巷依依一迳斜浮世十年  
人事變春來空發滿山花  
春陰漠漠向黃昏空巷無人雀自喧獨有山陽  
舊儔侶不聞隣笛也消魂

飲權同知恂新樓主人催詩甚苛曰次壁

間韻

高人柱笏看雲飛樓外青山翠撲幃不向樽前  
談世事知公已息漢陰機

安樂堂八詠為外舅鄭新昌

億思題

雨後青山雲出谿朝來三角失東西白衣蒼狗

復史事欲賦新詩意自迷

右三角朝雲

千里傳光白玉關小星明滅暮雲端誰知野老  
回頭處正想蓬萊立馬看

右城山夕烽

林靄霏微仍作雨望中疑有更疑無不復去借  
元暉手已對真身水墨圖

右長林細雨

古岸崩沙擁小灘斷橋遙帶夕陽殘此間更著  
騎驢客政好傍人作畫看

右斷橋殘照

烟光草色共氤氳曲岸回汀遠不分認得村童  
牧牛處數聲蘆管隔溪聞

右烟郊牧笛

帶索腰鎌野水濱黃蘆枯荻盡堪薪安知荷擔  
行歌地不有當時朱買臣

右蘆岸樵歌

晚稻青青早稻香田間小路入陂塘西風昨夜  
清霜重萬頃濃雲一半黃

右狀坪觀稼

小網橫沉傍石磯秋來正愛紫鱗肥歸時每趁  
斜陽盡一路烟汀雨滿衣

右曲浦網魚

秋日書感

禁城烟樹起西風滿目池臺太半空莫問侯家  
蕪陋巷一般秋草夕陽中

贈山人

早着禪衣卧白雲不教魂夢到塵紛渠家五戒  
渾閑事何況工夫少一分

題僧軸四絕

世間行路極多蹊無限浮生到死迷回首試看  
雲盡處夕陽元在碧峯西  
曼陀花雨給孤園中有禪家不二門安得撥平  
身事了佛香僧飯送朝昏  
招提高住白雲間世外乾坤日月閑方丈寂寥  
人入定不關花鳥滿春山  
不待求心心已安向來饒舌戒豈干相逢試問  
西來意手把花枝帶笑看

觀打圍次府伯韻

風傳鼓角三軍動日射旌麾五彩明蹴踏寒山

禽獸盡叢祠寧復有孤鳴

五川草堂四時詞為尹而性孝題

池塘水綠柳絲斜沙上新蒲欲吐芽  
睡美不知連夜雨曉看紅濕滿小花

右春

簾外雲山雨乍晴北牕筠簟午風清  
青苔滿院人無事卧聽流鶯一兩聲

右夏

茅簷坐對菊花樽盡日看山不閉門  
莫道詩人生理薄秋來芋栗滿西園

孤村歲暮斷人疑，谷口悲泉凍石竈。深室擁爐開小甕，任教風雪打寒窓。

右秋

右冬

題僧軸

將心那復遣人安，案上楞嚴亦不看。欲問祖師端的意，月輪當午碧天寒。

奉和長溪黃府院君

或見寄一絕

寒潭皎月能留印，亂岫青霞欲建標。正愛團團叢桂樹，不關人作小山招。

附元韻

亂代飄零余到此，海山專壑爾清標。澗邊碧草俱書帶，莫遣騷人浪賦招。

幽居漫興四首

老去扶吾有短筇，林居無日不從容。清晨步到澗邊石，落日坐看波底峯。池岸纔容人往還，兩池分蘓一邊山。青荷葉小不掩水，時見魚兒蒲葦間。引水作潭聊自娛，平地波濤遠如許。飛湍落石風雨喧，隔岸人家不聞語。

當日溪流深尺餘兩岸狹窄繞容車今朝化作  
滄浪水已有水禽來捕魚

僧軸中有先人手書絕句敬次韻題卷  
尾

先子文章曾瑞世小生才薄忝家風白頭迸淚  
看遺墨更忍題詩一紙中

又次軸中金南窓韻

新詩多出鉅公手風格宜居盛唐首十載兵塵  
能宛然如師善護今安有

郊居秋興呈府伯沈令公悅二首

數椽節屋一床書生理蕭然不願餘無限世間  
榮辱事獨臨秋水看游魚

荷葉彫殘柳葉黃郊居物色近重陽無人送酒  
添秋興奈此寒花擁鼻香

種松示諸生

愛爾青蒼有異姿殷勤為向澗邊移他年自致  
雲霄上儻記先生手種時

畿伯月沙李公枉過草堂贈守僧信修詩  
曰爾居石洲之學舍石洲新有能詩聲  
勤將首牋求我句無乃山僧亦好名余

亦戲次其韻

山僧要得沙翁句，只為清詩畫有聲。不用強生分別想，世間何者是真名。

戲簡東隣

日照先生首着盤，貧厨冷落未朝餐。君家酒熟紉衾暖，肯念山齋特地寒。

李判官

慎言

遣子求詩走筆以寄

今朝忽覺眼雙青，為對兒郎想典刑。見說江天雲霧裡，夜寒長候少微星。李為天文學

銅雀妓

一自君王去上天，紅顏虛度豔陽年。傷心欲墜西陵樹，淚落平生歌舞筵。

病中聞夜雨，有懷草堂因叙平生二十四

首

不到書齋近二旬，忽驚時序已深春。中宵卧聽催花雨，欲種山榴奈病身。常換綠水岸列植山榴今病未能果

夜雨懸簷到曉鳴，病中幽思忽然生。關心最是巖前竹，不聽蕭蕭打葉聲。

萬古仇池小洞門，雙泉咽咽瀉雲根。無端一夜千峯雨，卧想飛流觸石喧。由菴堂綠洞南行百步許有小石門雙瀑



高鏡數尺從亂石間下落小潭山勢環擁別作一區余嘗取杜甫舊古仇池穴潛通小有天之句名其地曰小有洞

小澗潺潺日夜鳴澄潭一畝向來平即今春水

知何似應有輕鯈作隊行

小屋初營澗水潄新栽花木未成林殷勤種柳

遮隣舍嫩色如今深未深

櫻桃坡下井新開汲取煎茶日幾回未將不食

為心側但愛源頭活水來堂西緣櫻桃坡下開

小井甘冽可食

山下方塘上下連踏泥初種陸地蓮長思去夏

黃梅雨夜夜青蛙聒醉眠溪南山麓古有水田基址曰池形作上下

溪邊小圃近風湍聞說畦蔬尚怯寒何日雨晴

山日暖紫蕊青韭助春盤

桐孫初自嶧陽移庭畔繞橫數尺枝早晚清陰

濃滿地摘來青葉坐題詩

東庭葡蔓杖籬奇為向虛簷引小枝不要滿盤

堆馬乳最憐蒼翠隔朝曦

覓得梅花向水栽今春更復幾枝開丁寧莫逐

東流去恐有漁舟入洞來

索居偏覺故人稀  
林壑寥寥草迳微  
賴有東隣能好事  
每携春酒款柴扉

每携酒相訪故云

多慚蹇劣得虛名  
千里相從有宋生  
汲水採薪勤服後  
問渠辛苦欲何成

有宋生名希甲者自胡外頁發來訪執勞

北窓清曉捲疎簾  
重疊雲山露碧尖  
前夜似聞行雨過  
朝來爽氣滿虛簷

草堂磨北戶正對天磨山

醉上危亭近碧峯  
獨臨斜日撫孤松  
茫茫巨野吞滄海  
可盪平生雲夢胸

月出峯一脈蛇十步與至堂之南數十步

而止其上平廣可坐籬草種松名之曰盤桓亭

檻外蟠松一蓋青  
枝枝欲作老龍形  
微風故作冷然響  
爽氣吹顏酒易醒

佳菊分栽數十叢  
淡黃微白與深紅  
傍人莫恠勤封植  
會待清霜九月中

堦上紅葵間白葵  
隨緣開落獨多時  
傍人謾作尋常看  
向日深誠只自知

少讀仙經慕伯陽  
中年耽酒趁風光  
祗今老大身多病  
萬事關心髮欲蒼

素心元不在榮名  
欲佐明君致太平  
人莫我

知斯已矣白頭重覺負平生

讀破兵書五十家少年豪氣向人誇晚知弓劍

非吾事歸去清江釣淺沙

誤將鉛槧學題詩身外浮名竟自欺六歲再煩

西塞後林泉無計脫塵羈余於辛丑冬以白衣

又以製述官當往義州適有來薪之憂未及登途

半生虛作曲歧行至理元來在六經能使此心

存此性膏中風月有誰爭

邵氏當年弄此環何曾把筆事朱丹欲知妙理

無窮處須向先天仔細看讀方

尹而性有約不來獨飲數器戲作俳諧句

逢人覓酒酒難致對酒懷人人不來百年身事

每如此大笑獨傾三四杯

次李士常彈琴韻

一曲悲歌行路難匣琴絃絕莫須彈君看千載

淵明意不在區區撫弄間

前日開城沈經歷諱因往來商人寄煮酒

一胡餅今遇歸便作二絕致謝上篇送

別胡餅下篇約天磨之遊

珍重胡餅出奉常為盛官酒到滄浪今朝告別

還歸去任是無情亦斷腸  
相思咫尺夢徒牽消息還憑賈客傳安得一搏  
陪杖屨北山秋月看飛泉

記夢

人間百事與心違江漢垂綸計亦非一夜夢魂  
能辨此蘆花烟雨滿蓑衣

呈東隣尹秀才

君時屈禮園

百年浮世一邯鄲得失復憑夢裡看秋水滿溪  
山雨細不妨來把釣魚竿

即事

丙午九月二  
十一日夜

秋陰散盡月華清一夜天公似有情何處片雲  
來作孽便教蟾兔不分明

雜興

掠削雲鬟曳錦裙市門觀者鬧如雲丁寧寄謝  
紅顏女莫向深閨刺繡紋

觀史有感

高起阿房切太蒼自誇功德擬三皇當時只倚  
長城固未信咸陽作戰場

翻俗傳紙鴛歌

我家諸厄爾帶去不落人家掛野樹只應春天

風雨時自然消滅無尋處

送友人赴三陟任

聞君遠作名區宰未到吾能說此州關嶺極天

滄海闊月明歌吹在西樓三陟有竹西樓杜牧詩云誰知竹西路歌

吹是揚州

無題

宮中氣候風兼雨妾似盈盈枝上花昨日被催

今被妬可憐零落委泥沙

記夢

輕陰漠漠雨廉纖樓外山光翠滿簾好是家家

春酒重杏花無數撲青帘

春日感舊

城西寒食草青青走馬探春酒半醒少壯幾時

今已老白頭花下抱添丁

城東記事

郭外青山春日斜村園無處不開花黃衫年少

來何所立馬橋頭問酒家

題柳淵傳後

李完平元翼屬李鰲城恒福作傳入板

一回披讀一傷神冤屈從知久乃伸得附青雲

真幸耳世間何限不平人

石湖集卷之六  
三十八  
秋夜披香堂口占

簾幙重重水檻清  
夜涼江月上孤城  
金壘酒盡人初散  
碧樹蔥籠曙靄生

贈天香女伴

仙姿不合在風塵  
獨抱瑤琴怨暮春  
絃到斷時腸亦斷  
世間難得賞音人

舟中示成韓山退夫

敏以

沙頭逢著使君車  
共上蘭舟任所如  
故是江南好天氣  
杏花時節雨晴初

題贈天印上人兼東東嶽鶴谷

觀心見性徒自勞  
似虫撲紙驢年去  
為報舍元殿上人  
莫問長安在何處

山中早秋喜晴有作

山木吟風秋氣生  
峯頭初旭射新晴  
澗邊白石渾如洗  
故好先生赤足行

以松壤玉燈付山人法林

西州良玉斲為燈  
淨潔端宜入定僧  
遙識上房清磬歇  
夜珠明滅亂雲層

十日夜夢作律詩  
累十餘篇其中可記者  
已報江梅破殘臈  
便知春色入長安水

邊小店聞寒杵沙際孤燈見夜漁兩聯  
耳覺來淒然有感賦一絕紀異

不爭榮利不爭名無食無家了此生尚有一魔  
除未盡夢中詩律太淒清

過 二陵有感

曾把三韓作一家百年灰劫恨無涯孤臣匹馬  
陵前路淚濕冬青滿樹花

過李汝一樽草堂用李子敏韻題壁上

鴉噪寒城日欲斜偶然騎馬到君家茅齋寂寂  
無塵事共對東籬十月花

寄題帶方房氏林亭

南原自是好溪山更著樓臺水竹間頭白謾勞  
千里夢幾時羸馬出江關

雪後謾興三首

一夜寒威特地多晚來風力捲漁簑強將雪水  
添茶鼎奈此千山暮景何

右呈權明府

盼

城頭暮角欲吹殘酒重青油不受寒更想中軍  
搥鼓處海風飄雪撲旌竿

右示崔教鍊官

右示崔教鍊官

石湖集卷之十一  
縮頸寒眠似凍龜中宵急雪聽窸知銀杯妙語  
君家事今日還成幾首詩

右示韓秀才

識

次梅月堂漁村韻

汀洲隱約數家村三面疎籬共一門想得夜來  
風雨惡淺沙留着亂波痕

宮人鄭氏挽章三首

寧辭寂寞委窮塵玉座猶然况妾身無復內班  
催上殿海魚空鎖別宮春

當年曾賜辟邪旗一夢繁華可復追尚有阿孃

垂白髮逢人長說入宮時

分香當日事堪哀魂逐龍輻忽不迴獨有昭陽  
宮裏月至今猶照舊粧臺

舟行五絕

寺下長江百丈清江頭楊柳大堤平他年誰作

黃驪志倘記洲翁此日行

驪寺在驪江一名神勒

先人曾此作遨頭欲向遺民訪舊遊昔日小兒

今白髮繁華無跡水東流

驪州客舍有樓臨江號清心形勝為東方

最壬辰被兵燹所化唯故址尚存

揚花津口浩烟波兩岸青青芳草多西北雲山



千萬疊行人回首一長歌

衆山環擁似荊門兩岸疑聽楚峽猿記取泊船  
沽酒處短籬臨水數家村

春陰漠漠日啣山微雨扁舟載酒還一夢舊遊  
那再得謾留佳句落人間

有句云春陰一邊雨落照萬重山至今傳於世

送李子仁訥赴石城任次金子定韻二絕

江柳青青江水流沙頭春酒送行舟殷勤寫出  
陽關曲寄與名鄉舊莫愁

扶蘇山枕錦江流憶上高蘭寺下舟君去試看

亡國處至今春草使人愁

聞任茂叔削科

宮柳青青花亂飛滿城冠蓋媚春暉朝家共  
賀昇平樂誰遣危言出布衣

可歎

猿狙法服擬周公俗眼何曾辨異同鸚鵡未應  
承顧問啄餘紅粒滿金籠

詠花夢中得

物理何曾有等差春來隨分得年華不須更向  
唐昌觀且賞田頭覓歷花

正月初三日雪用龍灣舊韻寄呈月沙李相國二絕

病人無睡怯春寒壁上青燈向曉殘一夜無端三尺雪忽如灣館醉中看  
公館笙歌擁羨人塞風吹雪灑華茵只今潦到身仍病往事回頭十一春

李愈知基父母遷墓合葬挽章

可憐同穴願初成孝子經營出至誠看取世間夫婦義未應泉路獨無情

春日漫興

幽禽啄蠹響彭鏗夢裡疑聞叩戶聲睡起捲簾山雨歇不知春草上階生

絕筆

先生一日出所著詩稿最以小袂付甥沈某仍書此一絕於袂背後三日

彼退詣理遂卒

平生喜作俳諧句惹起人間萬口喧從此括囊聊卒歲向來宣聖欲無言

石洲集卷之八

雜體

四禽言

姑惡姑惡姑不惡婦還惡  
摻摻之手可縫裳桑葉滿筐  
蚕滿箔但修婦道致姑樂何須  
向人說姑惡

右姑惡

昂小也昂小也秋禾如雲滿原野  
今年鼠壤有餘蔬買羊醜酒讌同社  
主婦炊黍客滿座昂小也釜亦可

右昂小也

我欲死我欲死四月千山萬山裏食有果芳巢  
有枝生無所苦死奚為爾不見去歲東郡避甲  
兵苦辛到骨猶願生

右我欲死

布穀布穀布穀聲中春意足健兒南征村巷空  
落日唯聞寡妻哭布穀啼誰布穀田園茫茫烟  
草綠

右布穀

秋懷辭念時正  
建也

我所思方在絕國山原曠漠方雲海隔夢相接  
方覺相失目眇眇方人如玉念疇昔方同息偃  
朝嘻嘻方夕怡怡忽時變方勢阻生且死方莫  
相知音塵絕方不可通悵此生方長別離瞻日  
月方悠悠倏三歲方又以暮鴈噫噫方矯翼虫  
切切方欲何訴覽時物方澹容與心結惛方涕  
如雨山可夷方海可渴唯此恨方極終古

憶天磨三首效白樂天憶江南

天磨好伊昔再經過千澗水聲歸海遠萬峯秋  
色八雲多能不憶天磨

天磨憶最憶 朴生淵誰言白練飛千古定是銀  
河落九天 回首意茫然  
天磨憶其次 憶花潭春雨歇時花影亂夜波殘  
處月光涵何日得重探

青春曲

春尚早已覺年芳好 輕香澗底梅嫩色原頭草  
美人踏青誇錦鞵多情却被春心惱  
春欲晚年芳無近遠花發五城樓 鸞啼上林苑  
繁華一夢那足恃令人暗起傷春恨  
春已去年芳竟何所茫茫千里外目極但平楚

綠樹陰陰簾幙靜思量別是風流處

題尹晴詩卷二首

晴龍灣娼也五峯公鍾愛甚自叙奇遇

首末繼以五絕句東槎諸學士皆和之

余作小詞二闕題于卷尾

晴初見五峯一  
信為

玉似肌膚雲似鬢紅樓坐惜容華尚書風彩也  
堪誇不勞青鳥使芳信託荷花 我亦三生香  
案吏夢中曾到小家翹英豔麗本無差玄霜成  
藥後騎鳳上烟霞

右臨江仙

秦樓女多生好結吹簫侶吹簫侶盟山誓海嫩  
啼嬌語可憐南浦人歸去春城恁是傷心處  
傷心處一番風雨滿蘆飛絮

右憶秦娥

晴望回文

樓高倚日斜咄咄長吟苦流水遠連天曲汀寒  
擁樹浮烟碧楚平薄霧晴山暮頭白自飄蓬夢  
歸愁永路

秋晚絕句回文

潮回欲雨寒沙暝遠塞秋雲叫鴈隻寥寂掩扉  
山日落蕭蕭暮葉墮空江

松京道中懷舊遊王連環

衣上風埃日色黃八年陳迹入思量土橋山靄  
空中碧石澗松陰雨後涼小路崎嶇尋野寺寸  
岑依約想雲莊壯遊奇樂消磨盡一曲高歌淚  
滿裳

園中即事王連環

心如騷客怨江離離恨春愁白髮垂山麓雨晴  
松影碧石林風暖鳥聲奇且憐浮世人情窄乍

喜開園物色宜且把新詩慰寂寞莫將羈旅謾  
成悲

春日書懷玉連環

土木形骸厭苦辛十年行止信蒼旻文才薄薄  
誰相念心事悠悠歲又春日照空樑聞語鷺鳥  
喧脩竹想驚麀君如欲識閑中景小屋爐薰不  
起塵

建除體述懷

建德豈吾土并州非故鄉除此勿復念念之令  
人傷滿酌金叵羅浩歌情激昂平生請纓忘皎

皎懷剛腸定分不可逃間關趨路傍執爨免卒  
伍飲瓢甘士常破屋只容膝生理餘藤床危時  
合隱淪貴富安足望成虧終一軌萬古俱亡羊  
收心養太和方寸發天光開卷對聖賢永晝燒  
清香閉戶了一生榮枯都兩忘

八音歌書懷

金戈挽落日此事本難期石田埋荒穢歲暮違  
所思絲染尚云慟途窮能勿悲竹林有古賢清  
風高可追匏瓜繫不食白首甘棲遲土梗笑木  
偶漂流爾焉之革華走塵埃恐見高人嗤木奴

足生理何須鍾鼎為

數詩夜坐詠懷

一尊對明月獨酌還獨謠二儀自高下星河光  
動搖三更萬籟寂忽覺超塵囂四顧但茫然江  
海何迢迢五年別故國身似秋蓬飄六韜抱奇  
策奈此雙鬢凋七尺土木骸祇合歸漁樵八荒  
盡征戍何地著單瓢九關守虎豹仰望空雲霄  
十書竟無益天涯甘寂寥

松

松松傲雪凌冬白雲宿蒼苔封夏花風暖秋葉

霜濃直幹聳丹壑清輝連碧峯影落空壇曉月  
聲採遠寺殘鍾枝翻涼露驚眠鶴根插重泉近  
蟄龍初平服食而鍊仙骨元亮盤桓芳盪塵膏  
不必要對阮生論絕品何須更令韋偃畫奇容  
乃知獨也青青受命於地匪爾後凋之姿吾誰  
適從

竹

竹竹湘江嶰谷根龍蟠葉鳳宿孩撫臘梅僕命  
秋菊和烟細細香帶月猗猗綠清晨露綴明珠  
薄晚風馭寒玉節凌霜雪本自堅幹聳雲霄不



曾曲托孤操于逸士韻人結深契乎松籬茅屋  
一箇如嬰白難立趙孤雙竿若夷齊義辭周粟  
貞姿皎潔宜可以配君子所以衛風起比興於  
淇澳

梅

梅梅冰骨玉腮臍將盡春欲迴北陸未暖南枝  
忽開烟朝光掩淡月夕影徘徊冷蘂斜侵竹塢  
暗香飛入金壘始憐的皜凌殘雪更飄飄點  
綠苔從知勁節可比清士若語高標豈是凡才  
愛幽獨尚客詩人看去厭喧鬧不許狂蝶尋來

試問登廟廊而調鼎鬪者何似西湖之上孤山  
之隈

菊

菊菊左梅右竹結芳盟超濁俗黃葩散金素蘂  
雕玉秋露浥偏寒曉風吹自馥結根不合汚卑  
稟性元宜幽獨冷雨晴來葉更繁嚴霜降後枝  
猶綠汎濁醪而陶遠世情餐落英而屈修初服  
不論唐昌玉蘂白盈盈肯數玄都桃花紅款款  
借問山家風致何處難忘最是重陽佳節白酒  
初熟

蓮

蓮蓮葉大花娟冒綠水濯清漣香凝曉露彩惹  
朝烟動處覺魚戲靜時宜鷺眠最愛涼侵玉翠  
更憐色照華筵風翻翠蓋歌還整雨瀉明珠碎  
却圓周茂叔解比於君子李謫仙曾語其天然  
不關江上羅裙花似頰遮莫峯頭玉井藕如船  
吾將製為裳衣離塵去俗獨與滄波明月恣意  
周旋

植物之中枝葉可愛者二曰松曰竹花  
可愛者二曰梅曰菊花葉俱可愛者一

曰蓮余平生酷愛此五者偶演李白三  
五七言自一言至十言而止成五篇畧  
叙佳致兼用自託非敢描寫形色以求  
奇語也已亥閏四月十四日石洲懶隱  
志

夢六言禪  
頌體

白玉仙樓十二黃金佛界三千湧出陽身獨去  
此間無地無天

余以製述官久留京邸友人多言大病之  
餘不宜馳驅遠道偶閱小方有藥名曰

人言者因戲賦一絕

半夏留京口人言病未蘇只當歸故里烟月釣

前湖

湖與胡字音相似故借用

土泉同宿聯句

歲鑰陰崢嶸述天衢霰凌亂章大風山林號窮

巷人蹤斷世夕戶驚剝啄章昏厖開閭呼兒

點燈燭入室鋪牀案述開尊拈琥珀章展繡摛

璀璨硬語拔取聒述怪談窮汗漫羣笑口雙呀

章相視目皆爛袒肩踞如箕述露髮頭不冠燈

腰蠖屈伸章鍾臂整拒捍述鬪鬪觴走羽世開

匣琴揮縵嘿咄外踧隅述嬌羞义闖幔世躋長

絲報喜章句奇音有歎述縹團酸戛牙章黝潤

煤染翰魚夏甘嚼六述酌春任殘半章焚老伊

窻間世吳儂酪壚畔述籤懸軸橫架章桁盈襲

被漫述玄壺戴缸坐世蒼鼠抱粒竄池窪石面

滑章匣霜鐵鼻貫述照壁盃吞蛇章嘆室垓鳴

鶴述伏隙虫有婦章墜枝禽失伴世運毫奴頭

尖章拂楮孫顏粲述觸屏睡若卷裂枕世斲如鍛

世鼎坐焉能炊章弓卧不成彈述地深山擁門

章江迫沙圍岸塊噫如蓬蓬述浪旭方浪浪章

質凍蹲怪巖世龍朽卧奇幹章乳滴瞰射簷述  
烟寒雪埋館章水塗媚巖齧述霜時木失旦世  
簇盤園早釘章類水促朝盥世華虫吊體解述  
腥鬣憐肚判搜物文生奸章獻怪語成謾世詩  
神驚突竄述舌電怯輝煥章辦信釘赤杠窮消  
溜素汗世剖萍甜可喊割璞瑩宜玩丘言刮聃  
經章風畫產昌豕世脫鼻既免攻樂曳寧受鑽  
述角縮偕蝸蟠章枝腫依櫟散世賓名趨耳巢  
夢利背翼促述但保今朝嬉餘外不須筭章

黃溪同宿聯句

霍雪美陰機章獐颺攪坤軸一馬鈍如蛙述孤  
村暮飛蝠鋪席室幽幽章開戶山簇簇點燈團  
夜語述論文刮舊目羈跡嘆雙萍章索居違尺  
牘日寇毒甚醒述世事危可哭走山脛無毛章  
喪馬髀生肉拾橡充糗糧述依林當室屋塗腥  
驚偃尸章丘皓厥積觸繭趾任予述拮手困  
匍匐燹來躅宵征章礮動喘晝伏呱斃瘞路側  
述速到委山谷九死逃碛墜章一身免鋒鏃自  
怪戴吾頭述安能望我腹墜塊謀數粒章鰥荒  
播五穀盜中安屢空述杖頭資習卜婦寒襟少

石湖真卷之八 十一  
絮章兒飢食半菽樂巷既忸嗒述撫虱仍掛犢  
賣樵頰擔肩章鬻絲空織袖雪芽東郭履述日  
照先生蒼明睛青久隱章塵鬢白盡禿遇甜蚰  
每圓述嘆逝駒太速高深阻鋏縫章南北邈忽  
倏不謂奎合躔述更此玉關攢依依菽孤笑章  
欣欣握一沫抽肝宜毋叱述發口要人服把碧  
醺入髓章挹淡清滿掬竒適禮侯恭述聲喜慄  
軒縮鉢幽窗呈奧章剖微蘊罄蓄拾唾箇箇珠  
述詠德猗猗竹誇譎舌頻澹章拜昌躬屢鞠驚  
掌嘆獨抵述舞脚喜相蹴說舊魂欲懷章承規

顏即惡見黃萌已除述交瑾耐正熟疑傑世方  
涵章破老時不淑涸轍魚煦沫述殺機蛇起陸  
翟深車避席章巖幽香歸築山歌哀甯角述市  
泣悲高筑閉關學天隱章搜腹待日曝時平牛  
牟田述歲暮風拔木襪俗見踣巫章豐歲驗夢  
牧夜年鷄哭窮述巢居雀警謾擁籬竿竦千章  
撲簷花糝六牛哀僵穴嗥述左慈伏牢宿帽寒  
頭作蠃章躡水行似鷺述軋霄峯指攢章扛雲  
檜頂蠹述遠興入廬霍遐想到濠濮章語難義  
形色默存道嚴肅述求名上竹鮎章憂世越殂

祝只可視顛顛焉能走逐逐述

土泉再會聯句韻

山夜聞三籟述村醪破孤憤牝林楹黠章閻

櫻籬柴麋世碧深江淅淅述翠重峰噫噫章暉

晴眇山夔世跼蹠踣土鼯冪地雲可篲章被陵

水作縵世怒巖距角獐章亂卉髯鬣忿述竹啼

颺揆玉章松舞雪篩粉述蠶坐燭劒膽世謬進

銜玉韞述語怪豕屢鳴世詩捷管頻扮章顏臭

虱繚絮述崧倒螳沸醞章剝乙軒魚腹世蘸甲

呀鯨吻章獨跪執若電述雙疇者似鬚吟喁肩

聳浩章歌鳴耳熱憚世縷解鍔發研述的壞筭

得隳嬾黃魂附枕章脣青婦吹蘊斧桂煮曉粥

述鏡藥斲春董世自暮脫穿絡述長往越埃坊

况霧銅額信世匿刀蜜口听述肥丁獻時祥世

趨石報世恣章羨破周川沸世豔煽晉地墳述

鮑乾謇誰吊世誼滄紛獨技章聆雞唾祖狂述

畫馬禮石謹喘奕憐夏虫世鱗噫惜朝槿章田

園胡不歸述蜘蛛斯可隱無營心更遠世弗違

道自近述詩書猶白紛章項馘已黃顛穴樹揖

桃餓世袒荆仰簡列述詞源瀉水駛世筆勢奔

雷礮章 燭盤虹長吐述 茶鼎車常轉世 人生如此足章 畢命保慈謹世

述懷聯句

二儀判鴻濛章 三精耀混茫世 平成萬事出述  
闔闢羣品張章 林林蠢橫目世 昧昧清封疆述  
靈檀降仙聖章 寶曆偕伊唐世 為之君臣民述  
教以士農商章 三化慎左海世 素朴甄東方述  
躡武有殷仁章 建國稱箕王世 八條革夷面述  
億代昭鴻光章 燕盜逐孱裔世 韓業俄隆昌述  
瓜分地橫裂章 角立邦興亡世 跨虛翠麟飛述

墮地紫纓長章 神鷄啞金櫝世 古龍掣牙檣述  
紛紛蠻觸戰章 擾擾豺虎場世 天人歸青木述  
玉帛開明堂章 統三垂五百世 拓土恢城隍述  
薰腴藹周洽章 文治赫明教世 季葉德漸否述  
末路謀不滅章 妖狐壞金甌世 陰侵干朱陽述  
尺夢兆乾符章 日角提天綱世 應順滅辛癸述  
救寧紹武湯章 樹立規略宏世 設施謨猷皇述  
匹休啓奧區章 相宅占華岡世 周匝壯闡屢述  
洞達交康莊章 隆薨擢斗極世 華堞照扶桑述  
沼靈涵德鏡章 林禁巢儀鳳世 䟽漢通八漕述

望嶽邀百祥章雜貨湧列隧世甲第羅諸坊述  
媯姪颯綺組章軒蓋擁簫簧世絃簧集圓冠述  
鷺陞趨玄裳章汗雨霖九衢世轂雷轟萬箱述  
壤產葑瓊蘊章土貢充寶箴世苞實渡海橘述  
厨珍出河魴章北漠獻鼠貂世南滇來驕驪述  
織絲霞彩爛章彈花雪色揚世金銀銅鐵錫述  
瑤碧瓊琳琅章楓柟杉檜檉世蓼菜芝蕉薑述  
豹舄犀兕熊章鷓鴣鷓鷃世民殷物亦夥述  
道泰時自康章重光絀神聖世協恭登俊良述  
聲明溢蓋壤章功烈超炎黃世文質既彌彪述

秩禮何煒煌章詞苑翦燕許世俠窟馳原嘗述  
馬苴握韜鈴章皋陶持憲章世師錫盡碩言述  
共理無奸贓章馨香八無象世裘葛各有常述  
恩熙罔戕戕章威布庭戎羗世穡登春酒盈述  
畦茂秋蔬香章桑麻敷隴陌世水草茁牛羊述  
生身忝聖氓章失學頗清狂世朝隨鬪鷄兒述  
夕問當壚娘章金鞭走槐街世玉學飛柳塘述  
詭豔覘繡戶章按曲據象牀世馬約金騾窠述  
衾暖紫鴛鴦章蹙繩墮花鈿世蹋板搖玉璫述  
戲鞠足闔趨章弄丸手誇忙世飄搖送紙鴛述

石州集卷之八

十一



石川集卷之八  
十四  
被除登石梁章  
振灘呈譎詭世  
角觥校倔强述  
魚龍九萃變章  
繪綠千門粧世  
新羹摘勾艾述  
香餅擷嬌蓄章  
椀粽冰蜜寒世  
甌粘薇果芳述  
步郊青染綦章  
陟丘黃泛觴世  
增虫撒松葉述  
擯鼠燒草芒章  
曉喧競賣賜世  
朝謹爭棄忘述  
傳葩醉神巫章  
拋毬舞妖娼世  
海神效娑娑述  
仙禽象翺翔章  
葩蒸萬重霞世  
葉擁千林霜述  
韻鴛嘉樹舊章  
燭鵲瓊花颺世  
流連逐光景述  
倏忽費炎涼章  
酣爽恣落拓世  
襟襖長披猖述  
十年乃覺悟童  
晚節還悲傷世  
剔鄙刮舊習述

笑駕期月將章  
專精尋蠹簡世  
索微探螢囊述  
義經鈞隱奧章  
鄒傳窺汪洋世  
魯史究謹嚴述  
周頌歌鏗鏘章  
杜癖痼浮誇世  
蘇向投雄剛述  
詩工排小山章  
賦健期長楊世  
旁搜到玄門述  
餘力浮慈航章  
略傳地下奇世  
方窮肘後詳述  
天衡測度躔章  
地維分昧暘世  
宜觀志益壯述  
弘濟願難償章  
身名坐抹掇世  
塵土勞動勦述  
卞璧誰剖璞章  
豐劔空埋鏗世  
羣鷓得鼠味述  
孤鳳失巢蹌章  
噬人溺井狷世  
鬪食當途狼述  
奸睛恥賜睞章  
寧髮披鬢鬟世  
白屋陷塗炭述

石川集卷之八  
十五  
朱門飲膏梁章乾文慧李動世時候雨雪霽述  
鯨鬣振溟渤章虎拆失關防世擣虛松漢夷述  
肆毒湖嶺瘡章翠華效去邠世法駕異遊襄述  
師奔解鑠甲章卿竄授圭璋世垢面步王孫述  
蓬首啼宮嬙章嬰城爨宋骸世復矢鑿魯孀述  
偷生走荒谷章庇身伏林篁世波道愕漂杵述  
齷野慄鳴槍章宵征恟鬼磷世陣亡哀國殤述  
跼隙縮跟尻章偵竇燭腎腸世津竭膠欲焚述  
喘劇瀋如漿章懷裯掩赤爪世結帶牽瞑俛述  
不蕪成夜茵章拾芻備晨糧世獨跳萬鬼窟述

遊千里鄉章斗屋翳柴荆世瓢飲噍秬糠述  
襪襖勤畝功章汗邪祈歲穰世鼎藜元不糝述  
澗毛甘自湘章鶉居拙生理世犢禪餘行裝述  
離群殊壹鬱章感舊徒彷徨世金玉邈爾音述  
雲樹遙相望章不謂此盍簪世快意當紀痒述  
各憐肌肉瘦章共歎鬚鬢蒼世八門促燈燭述  
掃榻呼茶鐺章握手暢幽悄世開胸增激昂述  
百年足悲咤章萬事終栖遑世頽網向陵遲述  
素食猶巖廊章狐媚豕更塗世能嫉賢又妨述  
齟齬但韜舌章杖淚還盈眶世無心走城市述

石川集卷之八  
十六

有興歸滄浪章願言修初服世相將脫名韉述  
園基亂竹間章投釣青溪傍世一室共圖書述  
三徑連門墻章與君即嘉客終吾以佻佻述風  
期固難測世紛殊未央章聊將鬱律懷撫劒歌  
慨懷世

去年冬僕南行至鰲山聞趙君善述新  
築于环原之土泉即冒雪往叩而持世  
在焉二公得我敷腴之色可掬剪燭聯  
句天明別去後數日善述過僕於黃溪  
更值雪夜續土泉故事祗以欠持世為

歎又數日二公同到黃溪宿一夜還往  
土泉僕從之留連五晝夜文酒之樂頗  
洽所聯詩僅千五百餘言二公藻思甚  
壯如水湧山出以僕之蹇劣仰追逸軌  
得無僭耶一別俄頃已復隔年雪窓風  
燭徒入夢想間耳錄前後四篇時時閱  
覽用破鬱陶辛丑初春歸到江都識之  
李子敏宅作龍灣後會燕饌於輝世朝京  
之行聯句二首

綠樹陰濃畫閣深章雨餘微月吐遙岑一尊談

笑睎清夜元復十載昇沉見素心好事可能廢舊  
韻好離愁還自入新吟連年慣踏曾遊處幕府

青衫鬢雪侵世輝

十一年前事龍灣舊勝遊聖星槎曾半路杯酒  
此高樓翠深樹風全息虛庭雨乍以聖如何歌  
吹地忽復動離愁章



